



საქართველოს ბანკი

ტენდერი ბანკის საკუთრებაში არსებული (მეორადი) მოძრავი ქონების შეფასების მომსახურების შესყიდვის შესახებ

გამოცხადების თარიღი:
დასრულების თარიღი:

1 მაისი, 2024
15 მაისი, 2024 (18:00 საათი)

ტენდერის განმავლობაში დამატებითი ინფორმაციის მოპოვება ან დაზუსტება შესაძლებელია საკონტაქტო პირთან დაკავშირებით იმეილით ან ტელეფონით:

ანი სტეფანაძე
astepnadze@bog.ge
+995 (579) 24 34 75

ნინო მიქელაძე
nimikeladze@bog.ge
+995 (599) 88 43 22

1.1 ზოგადი ინფორმაცია

სს საქართველოს ბანკი (შემდგომში ბანკი) აცხადებს ტენდერს ბანკის საკუთრებაში არსებული მეორადი მოძრავი ქონების (მანქანა-დანადგარები, ინვენტარი/ტექნიკა) შეფასების მომსახურების შესყიდვასთან დაკავშირებით.

ტენდერი ცხადდება გამარჯვებულთან 1+1 წლიანი გენერალური ხელშეკრულების გაფორმების მიზნით, **ყოველდღიური შეკვეთის საორიენტაციო მოცულობით: 5** დასახელების ქონება.

მიმდინარე დავალება:

გარდა ყოველდღიური შეკვეთებისა, ბანკს მიმდინარე ეტაპზე აქვს საჭიროება შეაფასოს **ცხრილში N1** მითითებული რაოდენობის აქტივები ერთად:

- გამარჯვებულ კომპანიას შესაფასებელი ქონებების შესახებ დავალება გაეგზავნება ხელშეკრულებაზე ხელმოწერისთანავე.
- ბანკის მხრიდან გაზიარებული იქნება ქონების შესახებ ინფორმაცია.
- შეფასება უნდა მოხდეს ინსპექტირებით.
- კომპანიამ ანგარიშების მომზადება უნდა შეძლოს მაქსიმალურად შემჭიდროვებულ ვადებში.
- აქტივების რაოდენობიდან გამომდინარე, ცხრილ N1-ში მითითებული აქტივების შეფასებისთვის ბანკი ითხოვს ცალკე განფასების მომზადებას.

ცხრილი N1

| დასახელება | რაოდენობა |
|-------------------------|--------------|
| პოს ტერმინალი | 1,600 |
| კომპ. ტექნიკა/UPS | 772 |
| კომპ. ტექნიკა/ლექტოპი | 1,766 |
| კომპ. ტექნიკა/პროცესორი | 4,056 |
| სულ ჯამი | 8,194 |

*ბანკი უფლებას იტოვებს ტენდერის ჩატარების შედეგად ხელშეკრულება გააფორმოს ერთზე მეტ კომპანიასთან და ამ მიზნით დაკვეთები გადაანაწილოს საკუთარი შეხედულებისამებრ.

1.2 აუცილებელი მოთხოვნები მომსახურების შესახებ

- ტენდერი მოიაზრებს დამოუკიდებელი შემფასებლის ან ორგანიზაციის მიერ, **საქართველოს კანონმდებლობითა და საერთაშორისო სტანდარტების დაცვით** აღნიშნული მოძრავი ქონების ეტაპობრივად შეფასებას და ამ ქონების საბაზრო ფასის დადგენას.
- სამუშაოს შესრულების ვადა დაკვეთიდან განისაზღვრება არაუმეტეს 3 სამუშაო დღის ოდენობით, რის შემდგომაც ბანკმა უნდა მიიღოს აღნიშნული ქონების შეფასების ანგარიში.
- საჭიროების და მოთხოვნის შემთხვევაში კომპანიამ თითოეულ დასახელებაზე უნდა განსაზღვროს **4 სახის ღირებულება:**
 - o მეორადი კარგი ნივთის საცალო ღირებულება,
 - o მეორადი კარგი ნივთის საბითუმო ღირებულება,
 - o მეორადი დაზიანებულის საცალო ღირებულება,
 - o მეორადი დაზიანებულის საბითუმო ღირებულება.
- **„მოძრავი ქონება“** მოიაზრებს ყველა იმ ნივთს რომელიც არის საქართველოს ბანკის საწყობში. ასეთი ნივთები შესაძლოა იყოს: მაგიდა, სკამი, სანათი, საყოფაცხოვრებო და კომპიუტერული ტექნიკა, სამეურნეო საქონელი, სალარო მოწყობილობები, მანქანა-დანადგარები და მისთ.
- **„შეფასების ანგარიში“** უნდა მოიცავდეს შემდეგ ინფორმაციას: ქონების დასახელება, ქონების მდგომარეობა, ფოტოსურათი, რაოდენობა, ინსპექტირების თარიღი, შემფასებლის პროფესიული მოსაზრება ნივთის საბაზრო ღირებულების შესახებ და შეფასების მეთოდოლოგიის მიმოხილვას. ანგარიში დამონშებული უნდა იყოს უფლებამოსილი პირის ხელმოწერით.

1.3 საკვალიფიკაციო მოთხოვნები

- აუცილებელია, მომსახურე კომპანიას გააჩნდეს მინიმუმ **3 წლიანი გამოცდილება** აღნიშნული მომსახურების შესრულებაში, ამასთან მსგავსი თანამშრომლობის გამოცდილება სხვა კომპანიებთან (მათ შორის ფინანსურ ინსტიტუტებთან).
- მომსახურების შესასრულებლად კომპანიას უნდა ჰყავდეს **კომპეტენტური და გამოცდილი გუნდი**, შესაბამისი სერტიფიკატებითა და უფლებამოსილებებით.
- ხელშეკრულების მოქმედების ფარგლებში შემოთავაზებული ტარიფი იქნება **ფიქსირებული**.

- პრეტენდენტის წინააღმდეგ არ უნდა მიმდინარეობდეს გადახდისუუნარობის საქმის წარმოება და პრეტენდენტი არ უნდა იყოს ლიკვიდაციის / რეორგანიზაციის პროცესში.
- ხელშეკრულების და წინამდებარე დოკუმენტის პირობებს შორის წინააღმდეგობის შემთხვევაში უპირატესობა მიენიჭება ხელშეკრულების პირობებს.

1.4 ტენდერის ფარგლებში წარსადგენი სავალდებულო დოკუმენტაცია

ტენდერით დაინტერესებულმა კომპანიებმა ყველა სავალდებულო დოკუმენტი უნდა ატვირთონ პლატფორმაზე <https://tenders.ge/>. დოკუმენტები უნდა აიტვირთოს უფლებამოსილი პირის ხელმოწერით, დასკანერებული სახით.

ამასთან, კომერციული წინადადება წარმოდგენილი უნდა იყოს საქართველოს ეროვნულ ვალუტაში - ლარში და მოიცავდეს კანონმდებლობით გათვალისწინებულ გადასახადებსა და გადასახდელებს.

სავალდებულო დოკუმენტაცია:

- **ინფორმაცია კომპანიის შესახებ, მოკლე აღწერა/პრეზენტაცია** (სადაც ნაჩვენებია იქნება პრეტენდენტის გამოცდილება, კლიენტების სია, არსებული სერვისების ჩამონათვალი და ა.შ.).
- **რეკომენდატორების შესახებ ინფორმაცია** (მინიმუმ მიმდინარე 3 კონტრაქტორი), მათთან მუშაობის გამოცდილების წლებისა და საკონტაქტო ინფორმაციის მითითებით.
- კომპანიის საკონტაქტო ინფორმაცია (**დანართი 1**).
- განფასება /ფინანსური შეთავაზება (**დანართი 2**).
- **ამონაწერი** სამეწარმეო რეესტრიდან.

*ტენდერის განმავლობაში პრეტენდენტს აქვს ვალდებულება მოთხოვნისამებრ წარმოადგინოს ნებისმიერი იურიდიული თუ ფინანსური დოკუმენტი.

1.5 დამატებითი ინფორმაცია

- ბანკს გააჩნია 2000-მდე დასახელების დასაწყობებული მოძრავი ქონება.
- შეფასების ანგარიშის მომზადება შესაძლოა განხორციელდეს როგორც ინსპექტირებით, ასევე ინსპექტირების გარეშე;
- **ანგარიშის მომზადება ინსპექტირებით:**
 - o ბანკი მოამზადებს შესაფასებელ ქონებას და დროებითად განათავსებს მას საწყობის სპეციალურად განკუთვნილ ადგილზე.
 - o ინსპექტირების ადგილია საქართველოს ბანკის საწყობი რომელიც მდებარეობს შემდეგ მისამართზე: თბილისი, ჭინწაძის 9.
 - o კომპანია მოახდენს აღნიშნული ქონების ინსპექტირებას და შემდგომში შეფასების ანგარიშის მომზადებას.
- **ანგარიშის მომზადება ინსპექტირების გარეშე:**
 - o ბანკი კომპანიას მიაწვდის დეტალურ ინფორმაციას შესაფასებელი ქონების შესახებ, კერძოდ: ქონების ტიპს, დასახელებას, სტატუსს, რაოდენობას, მდგომარეობის აღწერასა და ფოტო-სურათებს, რომლის საფუძველზეც კომპანია მოახდენს შეფასების ანგარიშის მომზადებას.
- **განფასებაში მოიაზრება**, რომ შეფასებისათვის განკუთვნილი ნივთების აღრიცხვა არ უნდა იყოს დამოკიდებული ნივთების რაოდენობაზე.
 - o ანაზღაურება მოხდება მხოლოდ ნივთების დასახელების და მდგომარეობის შესაბამისად.
 - o **მაგალითად:** თუ ბანკის მოთხოვნით შეფასდა 50 ერთი და იგივე დასახელების კომპიუტერის ეკრანი, მაგრამ ინსპექტირებისას გამოვლინდა, რომ 30 არის კარგ მდგომარეობაში და 20 ცუდ მდგომარეობაში, ბანკი გადაიხდის 1 ვიზიტის საფასურს დამატებულ 2 შეფასების ღირებულებას.

1.6 შეფასების კრიტერიუმები

გამარჯვებული კომპანია შეირჩევა შეფასების კრიტერიუმების მიხედვით:

- ფინანსური წინადადება **70%**
- შესრულების ვადები **20%**
- კომპანიის გამოცდილება **10%**

წინადადებები შეფასდება სატენდერო კომისიის მიერ წინასწარ განსაზღვრული კრიტერიუმების და წონების მიხედვით. წინადადება შეიძლება ჩაითვალოს არსებითად შესაბამისად თუ ის აკმაყოფილებს სატენდერო დოკუმენტაციის მოთხოვნებს რაიმე მატერიალური გადახრების, დათქმისა და გამოტოვების გარეშე.

საბოლოო გადაწყვეტილების მისაღებად, ბანკი ითვებს უფლებას, გამარჯვებულის გამოვლენამდე, დაგეგმოს შეხვედრები ტენდერში მონაწილე მონაწილე შერჩეულ კომპანიებთან, გასაუბრებისა და შესაძლო დამატებითი დეტალების დაზუსტების მიზნით.

***გთხოვთ გაითვალისწინოთ,** რომ წინამდებარე ტენდერის გამოცხადება არ ავალდებულებს ბანკს რომელიმე პრეტენდენტთან ხელშეკრულების გაფორმებას. ბანკი უფლებამოსილია ნებისმიერ დროს შეწყვიტოს, გააუქმოს ან გადაავადოს ტენდერი თავისი შეხედულებისამებრ.

წინადადების წარდგენით კომპანია ეთანხმება სატენდერო განაცხადში მითითებულ მოთხოვნებსა და პირობებს.